

王國光先生題

光山縣志

天一閣藏明代方志選刊

光山縣志

一九六二年九月上海古籍
書店據寧波天一閣藏明嘉
靖刻本景印原書版框高二
四·五公分寬一五·七公分

嘉靖光山縣志

光山縣誌序

范氏
天長閣

賜進士第光山縣令崑邑沈紹樞

嘉靖乙卯予補令光山入境首涉

淮水登濮公諸山南望則翠巘環

拱碧流襟帶四顧則風氣翕來交

應煥發偉哉山川之勝憶必典章

之奧窔詰賢之谿谷也即揖諸僑
父叩之將訪誌以采風焉僉曰簪
邑大夫嘗相繼修舉訖未成編人
紀淪軼亦已久矣予嘆曰夏禮無
徵厥咎在杞周禮殘缺魯何辭焉
故考政章教匪誌莫稽無誌是無

邑也振茲曠典攸萃藐躬會淮川
王公致灤州予而歸予夙聞淮川
博洽士也臣修誌請公曰誌史類
亦史案也吁維艱哉競萃浮者靡
工妄誕者譌尚簡率者踈吾方三
敝是思也姑緩諸臣待作者乎予

曰是曷可緩無誌是無邑也遂再
請公曰俞迺矢厥心殫厥慮攬攬
遐軌蒐漁逸典閱歲而誌彙成予
讀而覲然曰先王體國經野呂建
民極城郭宮室呂奠民居燮和政
化呂弼治理進退人物呂立民獻

制作典籍巨彰物采爰因外史氏
掌四方之誌而統之天府者凡臣
是也今于是編也曷極鴻纖理通
皦昧世括今替辨疆域則叅之圖
經考建置則本乎一統計田賦則
師厥禹貢定官師則徵諸士庶采

人物則協于鄉評綜藝文則取其
典雅立義臣審制修辭臣審式斯
誌之大端信太史氏之遺躅也君
子睹疆域則形勢述矣愬夫又安
之規不有久而或玩者乎睹建置
則沿革明矣愬夫脩輯之政不有

久而或隳者乎睹田賦則時有登
耗宜息通變呂興利睹官師則行
有淑慝宜息精白呂承休睹人物
則行業昭如也久而風教漸湮心
迹孰與辨之睹藝文則述作蔚如
也久而雋文虛飾古雅孰與敦之

因予而覃愬循名而責實噫是可
以語誌矣雖然誌者志也言乎其
從心也志之所至氣亦至焉氣之
所至精亦至焉精之所至行亦至
焉君子所謂志者摹聖範賢而已
矣粵管司馬文正公誕生茲邑去

今五百餘禩而士瞻依如一日者
何哉亶維碩德膚功炳耀不朽邑
之山若崇而高川若浚而深焉耳
詩曰高山仰止景行先哲又曰維
桑與梓必恭敬止司土與邦人其
共勗諸

嘉靖丙辰中秋吉

刻光山縣誌序

光山無縣志肇自

國初前代邈矣愈莫之考焉東吳沈
明府至則亟欲脩之曰往者吾不
前來者吾不覲然後之有望于我
猶我之議夫前也及今不為益湮

失無傳何以示後乃屬不穀俾丞
脩焉不穀寡昧無能為役以舊所
藏胡學諭兩谷之稿錄而質之于
公公曰畧矣寧無譌漏者乎子其
圖之既不獲辭遂請裁訂法例僭
加詮擇始克成編蓋史傳耆舊文

學之士以暨衆論一善之可錄者
無不采焉夫切而不支斯貴于言
直而不訐斯貴于紀明而不疑斯
貴于實不穀未之能也乃其義則
竊取于前人矣其編凡九卷公既
付帶湖袁君校正爰命匠氏刻而